

Sharon Rose 45 aña riba escenario



Awe nochi hunto e concurso di tumba ta wordo dedica na Sharon Rose y na Nino Gield.f.m. Si busca datonan di Sharon Rose cu su 45 aña den farandula ta asina hopi tin cu bo mi sa kico mi tin cu usa y kico no, di e datonan y potretnan cu tin di Sharon. E prome dama cu a participa na 1972 den concurso di tumba di carnaval cu su tumba Goza Bon.

E siman aki den POPO mi a menciona di su 5 disconan rpm 45, canto di alarma, LP den du "Melao, CD di salsa, boleros, Ta fin di aña y di dia di mama" y e dobel CD pa celebracion di su 45 aña den farandula. Ultimo añanan mi ta presenta Sharon den bon bini Festival sigur un biaha pa luna y presente como "The ice-cream-man's daughter." Bo ta keda asombra ta cuanto turista conoce e marca di ijscream di Piet's.

Sharon ta bini di un famia artistico cu su mayornan di tur dos anda tabata musico y cantante. E ta lanta den un famia cu un fundeshi spiritual y trahador y for di chikito por a ripara tambe e disciplina y responsabilidad cu Sharon a crea cu e educacion familiar aki.

Ademas, e sacrificio cu ta existi den un negoshi di famia, "Piet's Soda Fountain". Asina mes el a logra asisti pa mas o menos 10 aña den lesnan di ballet y piano, y despues ora cu Sharon a cuminsa canta cu mas seriedad, semper el a haya e sosten incondicional.

Di su mayornan y su mama, semper al a biaha bay tur caminda cu nan. Sharon a cuminsa canta cu 14 aña di edad y su prome publico grandi tabata na miss Teenage den Sheraton Hotel na 1969.

TUMBA

Na aña 1970 Sharon a graba su prome disco 45 rpm "Nami un chens" y "Goza Bon" di Padu del caribe, cualnan a bira exito mes ora tambe. Na 1972 el a presenta den concurso di tumba cu "Goza Bon". Den tur e cantantenan masculino, el a logra kibra e barera y awe por bisa cu Sharon rose a habri caminda a tur cantante femenino tambe haya derecho di participa den festival di Tumba di Aruba. Robert Jeandor y Chicho Kock a respalde durante e festival cu acompañaemento di Combo Selecto.

TITULONAN

For di 1969 caba Sharon a cuminsa acumula su baul di titulonnan y e prome tabata na Clubhuis di "De Trupialen" ganando di dos lugar y cantante mas popular di e anochi cultural. Na 1971 El a bira ganador di festival Voz di Oro di Aruba y na 1974 ganador di Festival Voz di Oro Supremo di Aruba. Den e mes decada aki el a gana na 1974 Festival di cancion cu "Ansiedad de amar" di e compositor Roberto Montiel d.f.m.. Cu composicion di e mes



compositor el a gana na 1976 Festival di Cancion y e biaha aki cu e cancion "Vuelve junto a mi". Tres aña despues el a gana e Festival di Cancion papiamento cu e cancion "Awor sin bo". Fernando Gallimany na prome lugar pa Voz y di dos lugar pa cancion.

Na 1982 Sharon Rose a bira ganador absoluto di OTI Antiyas y a representa Antiyas na OTI Peru organiza a Organizacion Televisa Ibero Americano. Sharon ademas a gana titulo di cantante di aña di 1970 te cu 1986.

CAMBIO

A drenta un periodo cu Sharon tabata poco den bista publico y riba escenario despues cu el a bay traha den ramo di hospitalidad entre otro na golden tulip y la Cabana coo hefe di departamentonan di activities, guest services y Towelhut. Esaki a pone cu Sharon no tabata tin tanto tempo mas pa canta den shownan, sinembargo e tabata deleita su bishitantenan cu su cancionnan tur ora cu nan puntra y na ocasionnan special. Ta ora cu e tabata por e tabata complace su fanaticonan y haci



esfuerzo pa complace su publico den conciertonan y grabando cancionnan.

PAFO DI ARUBA

Den temporada di añanan 70 y 80 pa tur esnan cu ta corda, semper por a mira y disfruta di Sharon Rose su presentacionnan durante casi tur miss Teenage y Miss Aruba y Miss teenage Intercontinental cu Amador Bendayan d.f.m. a presenta Sharon Rose.

Sharon a forma parti di bandanan local manera de Trupialen Band y Jerigho den clubnan riba nos isla y tambe na Holiday Inn den El Toro lounge.

Sharon a representa Aruba dignamente y cu tur potencial di su talento na Corsow den show di Angel Job "Gordito di Oro" (mira un di e potretnan di nan dos ta pose hunto). Den salanan di fiesta na Corsow y shownan special tambe y den concierto Duo Melao den Centro Pro Arte.

Na 1973 el a graba un produccion special cu Tele Aruba, cu Angel Kirschner y Ronny Brete, den "E Wowo" y diferente paisahenan y lugarnan turistico di Bonaire y na Zeezicht Piraten Huis, Na Colombia el a aparece den show di television di "Alfonso Lizarazo" y na Puerto Rico el a aparece den show di Luis Figueroa d.f.m. Na Republica Dominicana el a canta den show "Doce al medio dia" y tambe den hotel Sto. Domingo.



Sharon a presenta na Venezuela den show di Guillermo "Fantastico" Gonzalez y den show di Gilberto Correa.

Na Merca Sharon a canta na Miami na World Travel Show y na Washington DC pa Cultura di Aruba y na St. Maarten na Little Bay y Great Bay.

Durante e temporada 1975 pa 1995 Sharon a canta den Showtime di Don Tico Kuiperi d.f.m. na hopi ocasion y asina e pueblo por a conoce mihor y disfruta di e different generonan cu Sharon Rose por interpret cu mil maraviya y den diferente idioma, manera Ranchera, Folklore, bolero, country,

Sigui lesa Pg. 27



Continuacion pagina 26



Sharon Rose a participa den diferente jingle cantando pa actividadnan special, pa actonan comercial, etc. Tambe el a graba diferente propaganda di television pa empresanan y actividadnan cultural y conciertonan y a canta den mayoria di nan. Ultimamente cu e "Bingo Five".

Durante bishita di personahenan halto di nos isla na varios ocasion e tabata cantante invita, y den conciertonan folklorico y di fiestanan nacional y fiestanan grandi. Na 2008 su cancion "Nos cultura" a bira un di e cancionnan grandi di e aña di Cultura, logrando posicion nan hopi halto y hast puesto number un. El a participa tambe den feria multicultural cerando cu broche de oro e anochi mahestuoso aki cu un presentacion di 20 minuut y despues cerando cu homenaje na tur pais presente cantando cu eyes Band y cu participacion di Masiduri.

HULANDA

Dia 29 di November 2008 Aruvision Song Festival a dedica e festival na Sharon Rose cen Club more amor di Amsterdam, cual a resulta den un exito grandi y hopi Arubiano residencia na Hulanda a asisti t bay salude. El a bishita Arubahuis y aki tabata tin recepcion na su honor y el a canta y balia pa esnan presente. El a ricibi tambe condecoracion di Arubahuis "Leeuw van Oranje van Arubahuis". Robby schouten tambe, amigo personal di Sharon



a presenta Sharon rose den su special di fin di aña.

GOLPI

Un golpi cu ayera sigur Sharon a ricibi ta di tende cu su amiga tan cera cu ne, Bernadina Growell, nos Mama di Cultura, a wordo yama pa Tata Todopoderoso. Bernadina cu Sharon cu mas di 40 aña tabata hopi bon amiga y semper a mantene un amistad masha estrecho cu otro. E mes lazo estrecho aki Sharon tin tambe cu nos Tata di Cultura, Juan Chabaya Lampe, Padu del Caribe cu ta goza di un aprecio, admiracio y stimacin grandi di parti di Sharon.

Un pabien ta bay na Sharon cu e dedicacion di awe nochi, speando tambe cu lectionan a conoce poco mas di su carera cu e articulo aki. Juby Naar.

pop, jazz, salsa, alabanza y hopi mas.

Na 1976 el organiza su propio tour di e isla "Un anochi di fiesta y Estrellas" den casi tur bario y tambe semper ta organiza shownan di Pasco y Aña nobo na hotel.

Na diferente ocasion el a duna homenaje na su cantante favorito di ranchera Rocio Durcal. Na 1983 cu mariachi America el a actua na Clubhuis Dakota y na 1990 cu mariachi femenino Las Aztecas el a canta na Sheraton hotel.

Na 1987 e Festival oti a ser dedica na su persona y e mes aña den transmision en vivo for di Golden Tulip pa Hulanda Sharon a actua como maestra di ceremonia na hulandes cual tabata un transmision di e equipo di Veronica Televisie Nederland.

Na 1991 El a canta den Concierto Regalo pa mama cu tur hende ta corda ainda y cu a tuma lugar den Concorde Hotel.

Na 1984 El a canta den jazz and latin music Festival den Entertainment Center y mes aña e pintor Gustave Nouel a pinta tambe dos cuadro di dje.

Na 1998 el a participa den e concierto pa dia di amor den seaport Conference center y tame pa celebracion di 35 aña di Tele Aruba.

Semper e tabata artista invita den shownan special di fin di aña "Magia di Pasco" na Tele Aruba y "E regalo" na ATV.

MAS DI SU CARERA

TELEFONNAN DI DIARIO
582-6747- FAX 582-8551